

吹劍錄外集

信

州
縣
志

古書流通處景印

張中興錄

以高如琢

弟廿四集

知不足齋叢書

欽定四庫全書提要

吹劔錄外集一卷

宋俞文豹撰文豹字文蔚括蒼人其始末未詳所作先有吹劔錄故此曰外集然卷首有淳祐庚戌序稱續三爲四以驗其學之進否則中間尚有二編今已佚矣吹劔錄持論偏駁多不中理今別存其目此集卷末載二詩詩前題詞有絕筆斯錄之語蓋其晚年之所作故學問旣深言多醇正其記道學黨禁始末甚詳所稱韓范歐馬張呂諸公無

道學之名有道學之實故人無閒言伊川晦菴二
先生言爲世法行爲世師道非不宏學非不粹而
動輒得咎出於以道統自任以師嚴自居別白是
非分毫不貸與安定角與東坡爭與龍川象山辨
求必勝而後已亦未始非平心之論也

吹劔錄外集序

始余作此編蓋卽前言往事辨證發明以寓勸戒之意而好高者以人微而嘲玄好奇者以文多而閣束雖余亦自病其繁蕪宋景文曰每見舊作文憎之欲焚棄歐公曰著述須老後積勤宜少時二公之言不我欺也因續三爲四以驗其學之進否淳祐庚戌仲秋日括蒼俞文豹

知不足齋叢書

第二十四集

吹劒錄外集 一卷

宋遺民錄 十五卷

天地間集 一卷

宋舊宮人詩詞 一卷

竹譜詳錄 七卷

書學捷要 二卷

吹劍錄外集

紹興戊辰王佐爲狀元慶元丙辰諒陰榜莫子純以省
魁爲狀元皆越人嘉定丁丑狀元吳履齋潛淳祐辛
丑狀元徐公望儼夫至己酉年履齋帥越徐在別榻
會鹿鳴宴僚屬作樂語皆不愜意履齋乃自草之末
云對丁丑辛丑之狀元座中盛事繼戊辰丙辰之舉
首鄉曲美談

紹興二年張無垢九成爲狀元次舉省元樊光遠狀元
汪應辰上語九成曰二魁皆卿門人深用嘉歎對曰

夏侯勝以明經取青紫語門人臣嘗鄙之何敢復以

此聳誘其徒

文豹

謂三代而後言學者與漢唐漢尚

傳註唐尚詞章雖所尚不同要皆有利祿之心醇如
仲舒未免科目之累賢如昌黎而喜功名慕富貴至
以卿相潭潭之說誇誘其子則其誨館下諸生者可
知已惟我朝諸公爲義理之學髣彿聖門氣象爾

柳子厚送章秀才序曰今進士歲數百人咸多爲文詞
道今古角誇麗務富厚有司一朝而受者不知幾千
萬言讀不能十一卽偃仰疲耗目眩而不欲視心廢

而不欲營余見貢院謄錄人說每日拋下卷子若干
限以時刻遲則刑責隨之日夜不得休息飢困交攻
眼目澀赤見試卷有文省字大塗注少則心開目明
自覺筆健樂爲抄寫又嘗見時文冊子遇太學公私
試一題卽印三二十篇讀至五十篇加至十數便已
困倦爲考官者可知已故凡程文以簡潔爲上大字
楷書次之

後漢崔駰將試政事文學道術而忌太史令孫懿乃往
候之涕泗流漣曰圖書有漢賊孫登將以材智見害

觀君表相似當應之故愴得禍耳懿懼乃不試黼爲
第一 晦菴省試經題出剛中而應連案者云此句
凡七出先生嘿數止五出乃據所記對義及出院檢
視果只五出乃悟同經者相忌是年先生登科 東
萊與唐悅齋同試宏詞問唐路鼓在寢門裏寢門外
曰在門裏及試出檢視始知爲其所詒旣而悅齋中
選東萊語之曰只緣一個路鼓被君掇在門裏 吾
鄉解試孟軻勇於義賦一人欲以過孟賁者遠矣爲
第四聯而未得其對忽友人來問若荆軻則盜諸何

以對其人隱而不言竟以此聯魁取故晦菴因此每
戒人自爲實學

累舉殿試以蜀士故遲至五六月淳祐十年以盛暑非
臨軒之時改用三月初省試中秋日廷試九月六日
唱名狀元嚴州方夢魁賜名逢辰右足跛左目瞽第
四名川人楊潮南省元泉州陳應雷皆瞽一目夫糊
名考核固以文取然周進士必辨官材漢弟子員必
儀狀端正唐文武選必體貌豐偉盧仝詩孰謂人面
上一目偏可去方魁及同榜方登方吉皆唐詩人缺

脣處士方干之後與嚴子陵范文正公爲釣臺三賢
祥符八年狀元蔡齊真宗喜其韶秀詔金吾給騶從傳
呼自是爲例

樂天同元稹編制科策林七十五門卽懷挾也淳祐七
年殿試上訝士人入遲左右言尚書鄭起潛建議搜
懷挾上曰非所以待士詔勿搜後半入者幸而免

吾州趙和仲順孫童科免舉淳祐九年再以春秋魁薦
考官羅教授珪用監試韻批其卷云汗牛試卷浩無
涯剗盡雷同別一家冰鑑不容心潦草風簷寧復眼

昏花嘉文似織鮫人組健筆如輪虎士搥收拾真才
報天子此行端不負皇華次年復以秋魁南省然其
經義承題云善察天下之勢者不貴乎得定之似而
貴乎得定之真六經語孟無真字凡經義皆不用真
字

蔡尚書幼學師陳止齋乾道壬辰同赴省試止齋知其
必魁取乃自下賦卷已而師生經賦俱爲第一賦場
先試出聖人之於天道論次場天地之性人爲貴其
文意步驟全倣止齋蓋有所授也宋玉作招魂屈原

作大招其機軸段數一切相似不知孰先傳焉孰后效焉

婺女倪君澤普淳祐十年廷對爲第三名其族弟伯驥之祖素奉五聖有林檎園二百畝於內剏書院其師初授書驥輒坐樹下及上口卽背誦由是日以爲常其師但自誦二十篇不二年驥盡通九經以童科免解而家遂陵替今年二十七貌寢材劣竟未省試然以童科顯者百不二三少聰慧長昏懵者十常八九莊子云遊無朕朕直忍反兆也朕字直稔反吾州解試